



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput III. Explicantur opera servilia, diebus Dominicis ac Festivis prohibita.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

modo universæ terræ faciem renovavit, ita ut quidquid est à Domino insignius constituum, in his diei dignitate sit gestum, ait Leo Magnus epist. 81. 4°. Ne quid Christiani cum Judæis commune habere viderentur, *Dominicum diem* (inquit Augustinus serm. 25. de temp.) *Apostoli, & Apostolici viri, ideo religiosa solemnitate habendum sanxerunt: quia in eodem Redemptor noster à mortuis surrexit, & in ipso Spiritus sanctus super Apostolos descendit, & (ut Leo prosequitur epistolâ citatâ) in hoc mundus sumptus exordium, in hoc per resurrectionem Christi, & mors interitum, & vita accepit initium. In hoc Apostols à Domino predicandi omnibus Gentibus Evangelii tubam sumunt, & inferendum universo mundo Sacramentum regenerationis accipiunt. In hoc, sicut B. Joannes Evangelista testatur, congregatis in unum discipulis, janus clausis, cum ad eos Dominus introisset, insufflavit & dixit: Accipite Spiritum sanctum; quorum remiseritis peccata, remittuntur eis, &c.*

CAPUT I.

Dierum festorum institutio.

2 Præter diem Dominicum, Ecclesiæ auctoritate instituti fuerunt dies festi, seu Festa varia, quorum principalia repræsentant præcipua fidei nostræ mysteria; & ideo instituta sunt, ut, ipsis recurrentibus, mysteria illa recolamus, honoremus, & pro illis gratias agamus, pro infinita Dei misericordia, quâ dignatus est ea operari pro salute nostra, eorumque nobis fidem, & notitiam elargiri. Si enim dies obtentæ alicujus victoriae extraordinariæ, vel dies natalis alicujus magni Regis, cum latititia annue recolatur; quanto magis dignum & justum est, ut Ecclesia cum latititia spirituali, maximisque gratiarum actionibus, recolat natalitium Salvatoris diem, vel diem Resurrectionis, &c. in quo vita de morte triumphavit, & nobis à captivitate dæmonis ad vitam æternam aditum reseravit, &c.

3 Plurima etiam instituit festa ad honorem beatissima Virginis, & Sanctorum, in quibus intentio ipsius est, ut Sanctos illos solemniter honorantes, affectum nostrum & reverentiam ostendamus erga Deum, propter quem eos honoramus, & gratitudinem nostram erga Sanctos, per quos Deus nos illuminavit, & qui per eminentem sanctitatem suam nobis viam sanctitatis premonstrarunt; simul ut ipsorum patrocinium imploremus; Deum in ipsis laudemus, tamquam mirabilem in Sanctis suis; ac denique ut ad ipsorum imitationem accendamus, excitemurque ad confusione de dissimilitudine tanta, quam habet vita nostra cum vita ipsorum. Nam, ut S. Bernardus ait serm. in vigilia SS. Petri & Pauli, tria sunt quia in festivitatibus Sanctorum vigilanter considerare debemus, auxilium Sancti, exemplum ejus, confusione nostram. Auxilium ejus: quia qui potens fuit in terra, potentior est in celis ante faciem Domini

Dei sui. Si enim dum hic viveret, miseriis est peccatoribus, & oravit pro eis; nunc tanto amplius, quanto verius agnoscit miseras nostras, orat pro nobis Patrem: quia beata illa patria charitatem ejus non immutavit, sed augmentavit... Debemus etiam attendere exemplum ejus: quia quādū in terris visus est, & cum hominibus conversatus est, non declinavit ad dextram, neque ad sinistram; sed viam regiam tenuit, donec veniret ad illum qui dicit: Ego sum via, veritas, & vita. Intuimini humilitatem operis ejus, autoritatem verborum ejus, & tunc videbis quomodo verbo & exemplo luxrit inter homines, qualia nobis vestigia reliquerunt, ut ambulemus per ea. Sed & diligenter intuui confusione nostram inspicere debemus in festivitatibus Sanctorum: quia homo ille sanctus, simili nobis fuit, passibilis, ex eodem luto formatus, ex quo & nos. Quid ergo est, quod non solum difficile, sed etiam impossibile credimus, ut faciamus opera qua fecit? Confundamur, fratres, & conremiscamur ad vocem istam, si forte hæc confusio adducat nobis gloriam, si forte generet gratiam nobis timor ille. Homines icti fuerunt, qui præcesserunt nos, qui tam mirabiliter præcesserunt per vias vita, ut vix eos credamus homines fuisse. Sc ergo in Sanctorum festivitatibus & gaudere, & confundi debemus: gaudere, quia Patronos premissimus & confundi, quia eos imitari non possumus, imò non volumus, saltem plenâ perfidâque voluntate; alius possemus.

CAPUT III.

Explicantur opera servilia, diebus Dominicis ac Festis prohibita.

Praecepit de sanctificatione sabbathi unum 4 prohibetur, alterum præcipitur. Prohibentur opera servilia, præcipit sabbathi sanctificatio. Quia, ut Gregorius Magnus l. 11. epist. 3. scribit: *Dominico vero die à labore terreno cessandum est, atque omnino orationibus insistendum, ut sequi negligenta per sex dies agitur, per diem Resurrectionis Domini precibus expietur.* Porro sanctificationem dei Dominicæ, & festorum cultum, per servilia opera violari, satis indicat tertium Decalogi præceptum, quatenus morale est; dicit enim: *Sabbatum Domini Dei tuus est; non facies omne opus in eo.* Quibus verbis nemo est qui non videt omne operis servili genus prohiberi; non quia naturâ suâ turpe sit, aut malum, sed quia mentem nostram abstrahit à cultu Dei, qui finis est istius præcepti.

Servilia vero opera sunt, quæ à servis & mercenariis hominibus exercentur, videlicet artium omnium mechanicarum opera, præsertim ruralia, & in quibus jumenta labori applicantur. Præterea prohibita sunt etiam sacris Canonibus, & Principum Christianorum Legibus mercatus & nundinae, judicarii processus, & strepitus forenses, judiciales actus, juramenta publica, acta publica Notariorum, exceptis conventionum connubialium, & te-

stamentorum, seu ultimarum voluntatum instrumentis.

6. Sed queritur 1^o. an prohibeantur venerationes? Prohibet *ea* Capitulare Aquisgranense Caroli Magni cap. 91. Prohibet & Concilium Meldense anni 845. sub Sergio Papa II. cap. 77. lic enim habet: *Feriatos esse devenimus ab omni opere rurali, fabrili, carpentario, greceto, pictorio, venatorio, forensi, mercatorio, audienciali, ac Sacramentis exigendis, quatenus eisdem diebus tanto licentius, quanto liberius omnibus Christianis sancta Resurrectionis laudibus, & sacrosancta predicatione jugiter infistere liceat. Quod si quis temerare presumperit, excommunicetur. Venationes etiam, & accupatus diebus Dominicis, & aliis festis prohibet Concilium Turonense anni 1583. tit. de festor. cultu.*

Queritur 2^o. an etiam tonsores prohibeantur barbam tondere? Negat Tamburinus; sed praे ipso audiendus id affirmans S. Carolus Borromaeus, cum Concilio III. Mediolanensi, de ipsis pariter ac de pictoribus, futoribus, & calcearioribus loquens hisce verbis: *Tonsoribus præterea, pictoribus, futoribus, calceariis, aliusque ejusmodi, ac reliquis item opificibus.... Episcopi certas regulas proscrivant, ne deinceps dierum festorum cultum violent, in quo maximè plerique peccare solent. Audienda quoque Synodus Andegavensis anni 1282, dicens: Cum diebus festis, ob reverentiam Dei & Sanctorum introdudis, precipue diebus Dominicis, honori Majestatis Altissime confecras, à Christi fidelibus sit ab omni opere servili abstinentia & cessandum & divinis cultibus jugiter insistendum: omnibus & singulis Reclotoribus & Capellanis in virtute sancte obedientia præcipimus, & mandamus, quod iuste Parochianis suis inhibeant, sub attestatione divini Iudicis, & pena excommunicationis, ne ipsi dictis diebus Dominicis barbas radant, vel alias barbitonorum officia exerceant... non obstante longi temporis abusus, qui non usus censendas, aut consuetudo; immo verius corrumpela. Denique audiendus præ ceteris Joan. XXII. Pont. Max. in Litteris ad Philipp. V. Gallia Regem datis an. 1317.*

relatis ab Odorico Raynaldo ad an. 1317. Ibi namque n. 4. sic Papa loquitur: *Illi sane quod inoleuisse in illis partibus dicuntur, ut undelicet passim in quandomam divinam irreverentiam exercantur iudicia die Domino, & radendis ac tondendis barbis atque capillis intendatur, te dissimilare non decet: cum dies illa (divino cultui specialiter dedicata) talibus profanari non debeat. Enim vero cum radere barbas perinde sit opus servile, ac tondere pannos, aut vervecos, consuere vestes, &c. cui unum potius licitum est titulo lucri cessantis, crita necessitatem, quam alterum?*

8. Dico cura necessitatem. Si enim necessitas postulet, ut barbitonores Dominicis ac Feltis diebus barbas radant, in gratiam opificum, vel rusticorum illorum, qui pro Festis diebus ad ipsos pro rasura barbae venire non possunt; Episcopus

id ipsis permittere potest, vel tolerate.

Queritur 3^o. an pictores diebus illis prohibeantur pingere? Negat Layman cum Medina; sed affirmat Concilium Meldense n. 6. laudatum. Affirmant & Doctores communiter, quos inter Molanus l. 2. de imagin. c. 71. in admonit. ad pingentes, hac habet memoratu digna: *Nullus pictorum temerario anima attenue dies sacros pingendo profanare, quasi ei in die festo, ut scribere, sic & pingere licet. Audio enim quodammodo eo temeritatis venisse. Sed quia peccatum, dum negligitur, suo pondere ad aliud trahit; scio illos paulo post Catholica Fidei nasfragium passos esse.... Consuendo (quæ, ut Innocentius III. est opima legum interpres) hanc liceniam pictoribus non admittit, ut istis Novatoribus merito objici posse, quod est apud Esdram: "Quæ est haec res mala, quam vos facitis, & profanatis diem sabbathii? Nunquid non haec fecerunt patres nostri, & adduxit Deus noster super nos omne malum hoc, & super civitatem hanc? Et vos additis ira cundiam, violando sabbathum." Videri etiam potest Theologia Moralis, iussu Illustriss. Episcopi Petrocorense edita, to. 4. l. 3. de Festor. celebr. num. 14. ubi traditum cum communis, hoc opus esse servile, sicut sculpere, vel acu pingere, utpote, perinde opus externum & sensibile arte factum, quod ab iis communiter exercetur qui lucrum ex arte quaerunt, tametsi etiam subinde alia de causa, v. g. ad voluptatem fiat.*

At (inquit Layman) pictio, perinde ac scriptio, consistit in ducendis lineis ac figuris, videturque ars pictoria libero homine digna. At communis Doctorum sensus est in contrarium, ob rationem dictam. Nec refert quod pictio consistat in lineis & figuris ducendis: quia qui acu pingit, vel sicut, etiam dicit filum & acum. Non refert etiam, quod etiam homines ingenui, ac subinde nobiles pingunt. Quia etiam nobiles feminae subinde acu pingunt. Istud tamen facere non licet die festo, sive quia communiter reputatur servile; sive quia perinde avertit animum à Dei cultu, tunc opus servile.

Queritur 4^o. quid de choreis, saltationibus, & theatricis ludis ac representationibus? Eas diebus festis prohibent SS. Patres, & facti Canones. Imprimis S. Ignatius Martyr epist. ad Magnesianos, ubi docet sabbatum spiritualiter ab eo celebrari, qui in lege Domini meditatur, non ad praescripta spatio ambulans, & saltationibus hisbysque insanis gaudent. Cyrus Alexandrinus l. 8. 17. Joan. c. 5. ubi deplorat plurimos Christianorum, quos non pudet diebus festis, aut ludis illiberalibus, crapulæ, choreis, aut aliis mundi vanitatibus deditos, cum Deo obsequium diligenter exhibere, cum Templo Dei frequentare, orationibus insistere, arque Ecclesiastico Officio interessere deberent, tunc maximè Deum suis dissolutissimis moribus irritare. *Idne est, o Christiani, celebrare asem festam, indulgere*

ventri, & inconcessis voluptatibus habentia latare? Diebus ad exercenda servilia opera concessis, unusquisque suo intentus est operi, & abstinet à crapula, iudicis & vanitatibus; diebus autem festi passim concurrunt ad cauponam, ad ludos, ad spectacula, & choreas, in derisionem divini nominis, & dei prevaricationem. Augustinus l. de decem chordis c. 3. Melius faceret Judas in agro suo aliquid utile, quam si in theatro seduisans existaret. Et melius femina eorum die sabbathi lanam facerent, quam quid tota die in neomeniis suis impudice saltarent. Et in Pl. 91. Diebus festis melius est arare, quam saltare.

¹² Concilium Toletanum III. can. 23. Irreligiosa consuetudo est, quam vulgus per Sanctorum solemnitates agere consuevit: populi, qui debent Officia divina attendere, saltationibus & turpibus invigilante canticos, non solum sibi noscentes, sed & religiosorum officiis perfrepentes. Hoc eternum, ut ab omni Hispania depellatur, Sacerdotum & Judicum a Concilio sancto cura committitur. Concilium III. Mediolanense tit. 1. de fest. dier. cult. Festis diebus, us saltem horis quibus divina celebrantur, interdiscimus ne saltationes, tripudia, chorea ducantur, aut fiant. Ne item comediae, iudi scenici, vel theatrales, basilidia, & alia cuiusvis generis spectacula agantur. Ne circumforanei circulatores, & id generis nebulae, præstigias suas, inaniaque spectacula agant, neque quidquam omnino vendant, ne medicamenta quidam prætextu. Concilium Turonense anni 1583. tit. de fest. cult. Diebus Dominicis præsumt, & aliis festis, confessiones, convivia publica, tripudia, saltationes, strepitus & choreas fieri ludos palmarios, & alios (maxime dum sacra confiscuntur, laudesque Deo decantantur) aperiri; comediae, ludos scenicos, vel theatrales, & alia ejus generis irreligiosa spectacula agi, sub anathematis pena prohibet hac Synodus. Concilium Bituricense anni 1584. can. 6. Prohibetur populus profana sodalitia, comediationes, choreas, tripudia, larvas, & theatrales ludos iisdem diebus festis exercere. Concilium Aquense anni 1585. tit. de fest. dier. cult. Comediationes vero, ebrietates choreas, turpes cantilenas omnem Feſtorum profanationem damnamus & reprobamus. Concilium Rothomagense anni 1681. Choreas plena insanius, cantilenas turpes, breviter omnem Feſtorum profanationem damnamus & reprobamus. Carolus Magnus in Capitularibus suis: Placuit ut fideles diem Dominicum omnes venerabiliter colant, ne in illo sancto die vanis fabulis, aut locutionibus, sive cantationibus, sive saltationibus ut fieri solet, inserviant.

¹³ Bellarminus Conc. 6. in Dom. 3. Advent. Nescis fortasse quantum sacrilegium sit, dies Deo consecratos profanare? Quaro à vobis, si videremus aliquem incredibili audacia uestibus sacris nti pro uestibus profanis, templo pro taberna, altari pro mensa, quis nostrum

non horreret? Quis non exclamaret? Et nunc videmus dies festos solemnissimos, sacrissimos, Deo dicatos sacrilegis choreis, saltationibus, convivis, ebrietatibus, impudicitiis, scurrilitatibus profanari, & nemo exhorret, nemo moveatur, nemo miratur? Deus immortalis! Qua conventio Christi ad Belial? Qua est haec insaniam? Qua furia infernales nos exaguant?

Tandem Illustrissimus Dominus Frangi. 14 pani, circa annum 1647. Coloniae Nuntius Apostolicus, in directorio Ecclesiastica disciplinæ, eodem anno in lucem edito: Cessare debent (inquit) his diebus confessiones, pationes, lususque publici, spectacula ludicia, tripudia, chorea, etiam nuptiales, aliaque profana opera, & actiones plena insanis, multaque magis ebrietates, cantilenae turpes ac cetera omnia Sabbathismi Christiani impedimenta.

Quæritur 5°. quid de iis qui magnam 15 diei festi partem in popinis consumunt? Respondet graviter increpando esse tamquam factorum dierum violatores. Et ad abulum illum tollendum in variis Synodis atque Conciliis vetum esse, ne quo tempore divina in Ecclesia celebrantur, vel concio habeatur, tabernas aperiant, parochianaque in domum suam ad potandum, ludendum, &c. recipiant. Quod profecto vetera Synodus Parisiensis anni 1557. Concilium Rothomagense anni 1581. Concilium Burdigalense anni 1582. Verant & Regum Christianissimum Edicta. Et idipsum vetera Diploma Regium Caroli II. Catholicorum Regis nostri de 21. Martii 1682. statuens ut omnes Judices, Magistratus & Officiales faciant præcripta diplomata sua servari de festorum dierum celebratione, popinarum frequentatione, &c. & in violatores eorumdem animadverterant.

Quæritur 6°. an itinerari liceat die festo? 16 Respondeo: cum intentio Ecclesia præcipientis cultum festorum sit liberate homines ab iis quæ ipsos à divino cultu ostruhere possunt, & itinerantes, quæ notabilis parte diei festi sunt negotiorum causa, vel ob lolam recreationem, in confortio mundanorum hominum, animum plurimum distrahit à Dei cultu, sequitur itinerantes illas adversari præcepto de cultu festorum. Tametsi enim finis extrinsecus præcepti non cadat sub præcepto; finis tamen intrinsecus illius cadit sub præcepto. Et ita docent S. Antonius p. 2. tit. 9. c. 7. §. 5. & S. Carolus Borromæus in Concilio V. Mediolanensi tit. Quæ ad dies festos, &c.

Enimvero quænam est ratio propter quam 17 opera servilia prohibentur die festo? Non quia per se mala sunt; sed quia, ut Catechismus Romanus ait, mentem nostram à divino cultu, qui finis præcepti est, abstahunt. Verus proinde ac proprius sensus hujus præcepti, Omne opus non facies in eo, juxta S. Thomam q. 122. a. 4. eò spectat, ut homo & animo & corpore in eam curam incumbat, ut statuto aliquo tempore, à negotiis, cor- posili-

porisque laboribus feriatus, Deum piè colat, & veneratur. Lex ergo diebus festis præcipiens Dei cultum, prohibere censetur quæcumque impediunt cultum illum, sive opera servilia sint propriè loquendo, sive non sint. Hinc est enim, quod non sola opera servilia prohibeat, sed & actiones judiciales, & causas forenses, & similia. Unde & hoc præceptum violent, qui magnam diei partem insidunt in venationibus, ut supra dixi, in computibus, in vendendo & emendo, in parandis conviviis, & similibus, quæ mentem non minus distrahit à divinis, quam opera servilia. Et ideo falluntur, qui ea putant non esse prohibita: *Certum est enim quod si committit in legem, qui legis verba complectens, contra legis nititur voluntatem.* Reg. 88. juris in 6.

¹⁸ Quæritur 7°. an omnia peccata mortalia, die festo vel Dominico commissa, sint graviora, quam eadem diebus aliis commissa, specialeaque habeant malitiam violations diei festi? Negant plerique Recentiores. Affirmant post sanctos Patres, Alexander de Ales, S. Thomas, S. Bonaventura, S. Raymundus, Scotus, S. Antoninus, & passim Antiqui, uti tomo 1. ostendimus. Ipsi subscriptis Synodus Lingonensis tit. 7. c. 2. Et rationem dat Alfonius Tostatus, Episcopus Abulensis, in cap. 20. Exodi q. 11. in fine, & q. 12. quia magis servile est opus peccati, quam opus humani negotii; magis celebratatem feste infringimus peccando, ut fornicando & occidendo, quam alios labores agricultrivis nostris manibus exercendo. Ideo licet ab utroque abstinentium sit in reverentiam diei festi; magis tamen ab ini quis operibus, quam à corporalibus laboribus.

¹⁹ Ex hoc sequitur (inquit) quod qui die Dominicâ adulteratur, aut occidit, vel inebriatur, magis peccat, quam si aliis diebus idem ageret. Quia sic transgressor est duplucis præcepti, scilicet non occides, aut cuiuslibet alterius, & hujus scilicet, quia non observat diem Dominicum. Circumstantia proinde ista in confessione aperienda est, ut docet Author libri de vera & falsâ pœnit. c. 14. inter opera S. Augustini, & refutat can. 1. de pœnit. dist. 5. Consideret qualitatem criminis, in loco, in tempore.... oportet enim penitente fornicanter.... Si in loco sacro.... si in tempore orationi confituto, aut in festivitate Sanctorum.... omnis ista varietas confienda est, & defenda, &c. Enimvero si circumstantia loci sacri confitenda est, v. g. à fornicanite, eadem est ratio de circumstantia temporis sacri. Unde etiam S. Thomas Opusculo 64. & in suo Confessionali c. 2. inter circumstantias in confessione aperiendas ponit tempus, atque penitentem interrogandum de tempore, quo peccatum perpetravit, utrum videlicet in die festivo, vel non festivo.

²⁰ Non ideo tamen inquietandi sunt fideles, qui in confessionibus præteritis circumstantiam hanc omiserunt. Quia imprimis exculpa-

re eos potuit ignorantia obligationis eam confitendi. Deinde plerumque obligandi non sunt ad revolvendam totam vitam præteritam, ut confiteantur circumstantiam temporis, respe ctu peccatorum mortalium diebus Dominicis & festis commissorum: quia id posset esse valde nocivum profectui spirituali plurimorum; quam ob causam animabus timoratis, potest factam generalem confessionem, Confessari plerumque inhibere solent, ne mente amplius revolvent peccata ita confessa, ad videntium an circumstantias omnes expresseant, ne in nimias anxietates se præcipient.

Aliud esset, si, dum de aliis confitentur, adderent se, dum de criminibus antea confiterentur, non fuisse confessos se ea commississe die Dominicu, vel festivo, ideoque se de circumstantia ista acculare, quod coram Deo judicent ea se tali tempore commisisse. Ita namque confitendi modus anxietates multas cauflare non potest. Ad quas præcavendas consilium optimum est, ut penitentes assuefiant primo loco exponere quomodo transegerint dies Dominicos vel festivos, an criminis vel peccata aliqua mortalia diebus illis commiserint, an in popinis, & vanis recreationibus magnam dierum illorum partem non impenderint, an non in confortiis periculosis in materia castitatis, an officia divina non neglexerint, an non etiam Conaciones vel Catechismos? Ex hoc namque principio opportunitatem habebit Confessarius pleniū intelligendi, quoque, & in quibus talis penitentis interrogari debeat, tam circa peccata quæ confitetur, quam circa alia, de quibus non facit mentionem; cum ista nihilominus distinctione, quod de aliis interrogandi sint timorati; de aliis, qui sunt criminibus assueti; alter item, qui Catechismis raro vel nunquam interfunt; alter, qui interesse solent.

Pro coronide hujus Capitis, non pigebit ²¹ hinc exhibere verba Pii V. Constitut. 5. quæ incipit cùm primū: cùm enim iis renoverunt antiqui canones, ex iis quos supra retulimus, iis etiam plurimum confirmantur ea quæ in superioribus dicta sunt: *Cum (inquit) dierum festorum observatio ad Dei cultum maximè persineat, & in lege divina præcipiatur: cupientes absus pravos, qui ex eorum inobedientia invaluuerint, omnino corrigerem, & antiquorum canonum statuta renovantes, mandamus, ut omnes dies Dominicū, & præcipue in honorem Dei, beata Maria Virginis, & Sanctorum Apostolorum feriati, cum omni veneratio ne obseruantur, & omnes in diebus prefatis, Ecclesiæ, &c. frequentem, divinis Officiis de votè intendant, ab omni illicito & servili opere abstineant, mercatus non fiant, profana negotiationes, & judiciorum strepitus conquiscent. Qui vero in diebus prefatis opus aliquod illicitum fecisse deprehensus fuerit, preter divinam unctionem, & amissionem animalium, quibus ad vulturam uetur, etiam graves penas incurrit arbitrio nostro.*

Tom. II.

23 Divinae ultiōnis (de qua loquitur ibi sanctus Pontifex) exempla profect Concilium Parisiense VI. anni 829. can. 50. Postquam enim mercatus, placita, & ruralia quaque opera, necnon qualibet carriagiones seu venturas diebus Dominicis fieri prohibuit, adit: *Multi nostrorum visu, multi etiam quorundam relatu didicimus, quosdam in hac die ruralia opera exercentes fulmine interemptos, quosdam artuum contractione multatos, quosdam etiam visibili igne corporibus ossibusque simul sub momento absumptis, in cinerem subito resolutos, paenitentia occubuisse. Et multa alia terribilia iudicia extiterunt, & hactenus existunt, quibus declaratur, quod Deus in tanti diei dehonoratione offendatur.*

C A P U T IV.

Pietas tamen, & justa necessitas, servilia opera festis diebus aliquando permitiunt.

24 **C**onstat 1°. ex Evangelio, in quo Christus excusat discipulos, sabbathio spicas vellentes, Matth. 12.

2°. ex Concilio Narbonensi anni 589. can. 4. die Dominico operas fieri vetante, excepto, si necessitas incubuerit. Necnon ex Concilio Coyacensi in Hispania (anni 1050.) can. 6. Christiani Dominicā servile opus non exerceant, nec secentur itinera, nisi orationis causā, aut sepeliendo mortuos, aut pro Regis secreto, pro Saraceno um impetu.

25 3°. ex cap. conquestus de feriis, ubi judicialis strepitus diebus festis prohibetur, nisi necessitas urgeat, vel pietas suadeat. Cumque Nicolaus V. anno 1447. à Transilvanis interrogatus fuisset, an pauperibus villanis, ac oppidanis licitum sit vendere, die Dominico, vel festo alicuius Sancti, panes, pyra, poma & alia legumina, vel sit licitum eis, finita Missa, post prandium, de campo, tempore missis, cum timeatur de pluvia, portare cum pecoribus, vel equis, vel curribus, linum, fænum, & alia blada, humano usui convenientia? Respondit: cessante necessitate, ab omni opere serviū abstinentiam esse diebus Dominicis & festis; sed necessitate cogente, non tamen afflata, sed procurata, licitum esse præmissa exercere.

26 4°. ex S. Antonino p. II. tit. 9 c. 7. §. 5. ubi posteaquam dixit, quod diebus festis videre ratiocinia, & facere computum prolixum, illicitum est. Quodque ad opus servile spectat, cum equis, asinis, vel bovis deferre blada, vel vina, vel ligna, vel me-cimonia, nisi necessitas urgeat. Item, abstinendum ab itinere dietario, nisi necessitas cogat, vel aliud ipsum opus inducat, &c. Post hæc (inquam) varia recenset opera, quæ diebus festis a mortali necessitate excusat.

27 Primo (inquit) pro conservando personas vel res suas, puto, faciendo foreas, vel machinas, vel huiusmodi; vel portando res suas ad loca secura imminentे bello; vel portando necessaria ad defensionem, &c.

Item, si jacentibus segetibus in agro, vel

fœni in pratis, vel uvis in vineis, imminet tempestas, vel aliud periculum amissione illarum rerum, liceret talia colligere. Item, de alia re qua destruitur, si in die festo circa eam manualiter non operatur, ut extensis lana ad radios solis, cum hieme apparent, vel prosecutio succensionis fornaciis, ad calcem aut lateres coquendos, aut vitrea uasa conflanda. Item, carnifices, sive lanii, & pincerna preparantes, virtuallia in festis, ut sequenti die vendant, si non poterant prius preparari, vel preparata conservari, videantur excusari à mortali. Item, vectores mercium, aut alimentorum, aut personarum ad loca remota, cum alias non possent sine gravi incommode vitam transfigere, creduntur excusari, si differre non posse.

Item, qui compelluntur à dominis iusto motu ad laborandum in diebus festis in agris suis, vel deferendum ligna vel lapides, vel faciendum adficia vel foreas, & huiusmodi, que si non facerent, notabiliter damnificarentur in persona, vel rebus, videantur posse excusari propter necessitatem. Melius tamen facerent non obdure, quando opus illud non est necessarium. Et quia modicus recessus à medio non tollit bonum virtutis: ideo quod aliquis in horto, aliquid faciat parvum, ut obturando sepiem, vel elevando malas herbas, vel suendo aliqua panitia vestis diffusa, vel calige, & huiusmodi, non judicatur violator festi.

Barbitonores, non in radendo, sed in minuendo sanguinem, & ferrare, & huiusmodi, si in Festis exercent artem suam principaliiter propter necessitatem eorum quibus servitum, non propter cupiditatem lucri, excusantur. Et similiter qui eos requirunt de arte sua, si alias non poterant sibi commode providere, excusantur.

Item, in molendinis ad aquam, vel ad ventum, quæ sine magna opere hominis exerceantur, potest servari confuetudo patria non prohibita à Prelatis. Secundus de molendinis cum jumentis: & hoc nisi necessitas urget propter virtuallia necessaria: quia tunc licet.

Item, diebus festis, non tamen Dominicis vel solemnioribus, licitum videatur laborare pro pauperibus; cum his tamen conditionibus adjunctis: Primo, ut non dimittantur divina, id est, auditio Missæ. Secundo, quod fiat elemosynaliter, non propter lucrum. Tertio, quod illi, pro quibus laboratur, indigeant.

Item, à fortiori videatur licitum cuilibet laborare pro sustentatione sui & familia sua, quando alter sustentari non valet: ita tamen quod non dimittantur divina. Nec enim observatio festi est in tanta exactitudine, ut in veteri Testamento. Et erit bona cautela ut hoc fiat cum dispensatione Episcopi. Hæc S. Antoninus.

C A P U T V.

Explicantur requista ad sanctificationem sabbathi, seu diei Dominicæ, vel festi.

Eror esset putare, quod sabbathi sanctificatio nihil aliud à Christianis exigeret, ni-